

**E
L
E
K
T
U
!**



Bonvolu elekti el inter la subaj vortparoj kaj plenigu laŭsence la truojn

aldonante eventuale la finaĵojn!

Alta forno/altforno, altlernejo/alta lernejo, belfloro/bela floro, bluokulo/blua okulo, dikfingro/dika fingro, etfingro/eta fingro, ladskatolo/lada skatolo, nova luno/novluno, ora fiŝo/orfiŝo, seka vinbero/sekvinbero, solinfano/sola infano, sovaĝa besto/sovaĝbesto, vapore ŝipo/vaporŝipo

- 1) Sako da rosinoj aŭ _____ falis surgrunden. Tie nun kuŝas _____ kaj ili ne estas plu taŭgaj por enmeti ilin en dolĉaĵojn.
- 2) En la kermeso la infano gajnis _____ kaj lia fratino belan brakringon kun ornamaĵo, kiu estis _____.
- 3) En tiu granda _____ troviĝas pluraj tinusaj _____.
- 4) Plorinde! Mi vundiĝis je la _____ pro martelado kaj nun mi havas _____.
- 5) Tiu speco de lekanto estas tre _____, mi neniam vidis iun similan! Eble mi malkovris nekonatan floron, kiun mi nomus _____.
- 6) Nekredeble! Mi legis en la revuo *Monato* ke oni sukcesis foti novan planedon kaj ĝian _____, sed tiu ĉi lasta apenaŭ videblas pro _____.
- 7) Paŭlo, la bakisto, aĉetis tiun uzinon kaj ties _____ por konstruigi grandegan fabrikon por baki en modernaj kaj _____.
- 8) Atentu kiam vi manpremas infanojn! Ili havas _____ kaj ilia _____ estas la plej delikata el la kvin.
- 9) Niaj gefiloj studas ĉe tiu _____ tre fama ĉar ĝi estas la plej _____ de la tuta urbo kie oni povas ĝui belegan panoramon.
- 10) Mi vere timas katojn. Kelkfoje ili estas _____ tre proksimaj genetike al iuj _____ de Afriko, kiel ekzemple leonoj.
- 11) Tiu blonda viro kun _____ estas profesia boksisto, kiu pro pugnobato nun havas _____.
- 12) Granda _____ kun pasaĝeroj malfacile eniris en la havenon pro la multaj _____ de fiŝkaptistoj.
- 13) En tiu klasĉambro estas unu _____ kiu ne havas gefratojn. Li estas _____.

SOLVOJ

- 1) Sako da rosinoj aŭ **sekvinberoj** falis surgrunden. Tie kuŝas nun **sekaj vinberoj** kaj ili ne estas plu taŭgaj por enmeti ilin en dolĉaĵojn.
- 2) En la kermeso la infano gajnis **orfiŝon** kaj lia fratino belan brakringon kun ornamaĵo, kiu estis **ora fiŝo**.
- 3) En tiu granda **lada skatolo** troviĝas pluraj tinusaj **ladskatoloj**.
- 4) Plorinde! Mi vundiĝis je la **dikfingro** pro martelado kaj nun mi havas **dikan fingron**.
- 5) Tiu speco de lekanto estas tre **bela floro**, mi neniam vidis iun similan! Eble mi malkovris nekonatan floron, kiun mi nomus **Belfloro**.
- 6) Nekredeble! Mi legis en la revuo *Monato* ke oni sukcesis foti novan planedon kaj ĝian **novan lunon**, sed tiu ĉi lasta apenaŭ videblas pro **novluno**.
- 7) Paŭlo, la bakisto, aĉetis tiun uzinon kaj ties **altfornojn** por konstruigi grandegan fabrikon por baki en modernaj kaj **altaj fornoj**.
- 8) Atentu kiam vi manpremas infanojn! Ili havas **etajn fingrojn** kaj ilia **etfingro** estas la plej delikata el la kvin.
- 9) Niaj gefiloj studas ĉe tiu **altlernejo** tre fama, ĉar ĝi estas la plej **alta lernejo** de la tuta urbo kie oni povas ĝui belegan panoramon.
- 10) Mi vere timas katojn. Kelkfoje ili estas **sovaĝaj bestoj**, tre proksimaj genetike al iuj **sovaĝbestoj** de Afriko, kiel ekzemple leonoj.
- 11) Tiu blonda viro kun **bluaj okuloj** estas profesia boksisto, kiu pro pugnobato nun havas **bluokulon**.
- 12) Granda **vaporŝipo** kun pasaĝeroj malfacile eniris en la havenon pro la multaj **vaporaj ŝipoj** de fiŝkaptistoj.
- 13) En tiu klasĉambro estas unu **sola infano**, kiu ne havas gefratojn. Li estas **solinfano**.